

**Broj: 01-05-6-05935/2019-4**  
**Sarajevo, 17.12.2019. godine**

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te odredbi Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-05935/2019-3 od 16.12.2019. godine, Direktor Federalne uprave za inspeksijske poslove u ime ugovornog organa, donosi,

## **O D L U K U**

### **O DODJELI UGOVORA ZA NABAVKU ROBA-KANCELARIJSKI NAMJEŠTAJ**

#### **I**

Prihvata se preporuka Komisije za javne nabavke broj 01-05-6-05935/2019-3 od 16.12.2019. godine, te se Ugovor o javnoj nabavci roba – kancelarijski namještaj dodjeljuje se ponuđaču „Hafele BH“ d.o.o. Gračanica, čija ponuda data u postupku e-aukcije je ocijenjena najpovoljnijom.

Ugovor sa ponuđačem „Hafele BH“ d.o.o. Gračanica će se shodno prihvaćenoj ponudi broj 75/KH od 28.11.2019. godine i ponudi datoj u postupku e-aukciji zaključiti pod slijedećim uslovima:

- ukupna cijena ponude iznosi: 11.600,00 KM bez uračunatog PDV-a, odnosno sa uračunatim PDV-om 13.572,00 KM
- rok plaćanja: 30 dana od dana prijema fakture na protokol ugovornog organa u skladu sa budžetskim načinom plaćanja
- rok i mjesto isporuke: 15 dana od dana potpisivanja ugovora od strane ovlaštenih lica ugovornih strana na lokacije predviđene tenderskom dokumentacijom. Ponuđač „Hafele BH“ d.o.o. Gračanica je obavezan izvršiti dostavu, isporuku, montažu i unošenje roba na lokacijama koje su predviđene tenderskom dokumentacijom.
- garantni rok za sve robe koje su predmet ugovora je 24 mjeseca.

#### **II**

Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezani za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

#### **III**

Ponuđač „Hafele BH“ d.o.o. Gračanica je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- uvjerenje nadležne poreske uprave na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje
- uvjerenja nadležnih organa da uredno izmiruje obaveze po osnovu direktnih i indirektnih poreza.

Dokazi iz prethodnog stava ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je

to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

#### IV

Ova odluka će se objaviti na web stranici Federalne uprave za inspekcijske poslove.

#### O b r a z l o ž e n j e

Direktor Federalne uprave za inspekcijske poslove je odlukom broj 01-05-6-02895/2019-5 od 01.11.2019. godine, pokrenuo ponovni postupak konkurentskog zahtjeva za dostavljanje ponuda uz primjenu e-aukcije za nabavku roba-kancelarijski namještaj za potrebe Federalne uprave za inspekcijske poslove.

Nabavka predmetnih roba je predviđena Planom nabavki roba i usluga uprave za 2019. godinu–robe, redni broj 5. Procijenjena vrijednost nabavke – 12.000,00 KM, bez PDV-a.

Dana 21.11.2019. godine izvršeno je objavljivanje obavještenja o nabavci na Portalu javnih nabavki, broj obavještenja 1292-7-1-15-3-11/19.

U terminu utvrđenom obavještenjem o javnoj nabavci i tenderskoj dokumentaciji dana 06.12.2019. godine izvršeno je javno otvaranje blagovremeno pristiglih ponuda, kojom prilikom je konstatovano da su blagovremeno svoju ponudu dostavila četiri ponuđača, sa cijenama iskazanim u tabeli:

Naziv/ime ponuđača	Koverta ispravno zat. i potp. ili opečaćena	Ukupna cijena ponude bez PDV-a (sa uračunatim popustom)	Ponuđeni popust
„Karadža-trade Kašmir“ d.o.o. Bugojno	Da	10.554,50 KM	5% (555,50 KM)
„Hafele BH“ d.o.o. Gračanica	Da	11.955,00 KM	Ne
„Inter-com“ d.o.o. Zenica	Da	11.995,00 KM	Ne
„Elkom“ d.o.o. Vitez	Da	13.890,00 KM	Ne

Javnom otvaranju ponuda nisu prisustvovali predstavnici ponuđača koji su dostavili ponudu.

Nakon javnog otvaranja ponuda Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata i u tom smislu nisu utvrđeni nedostaci u bilo kojoj od dostavljenih ponuda. U nastavku postupka komisija je izvršila uvid u tehničke specifikacije ponuđenih roba, te je tom prilikom utvrdila da je od ponuđača „Hafele BH“ d.o.o. Gračanica i „Karadža-trade Kašmir“ d.o.o. Bugojno potrebno tražiti pojašnjenje ponude u dijelovima koji se odnose na ispunjavanje tehničkih karakteristika utvrđenih tenderskom dokumentacijom, a obzirom da je nakon uvida u dokumentaciju koju su navedeni ponuđači dostavili ostalo nerazjašnjeno da li ponuđene robe ispunjavanju postavljene zahtjeve. S tim u vezi su odmah upućeni zahtjevi za pojašnjenje ponuda navedenim ponuđačima, na koje su isti odgovorili u ostavljenom roku. Komisija je nakon izvršenog uvida u pojašnjenja utvrdila da „Hafele BH“ d.o.o. Gračanica ispunjava uvjete tenderske dokumentacije, dok „Karadža-trade Kašmir“ d.o.o. Bugojno ne ispunjava uvjete u dijelu ponude koji se odnosi na ponuđene kancelarijske stolice, jer je ovaj ponuđač ponudio kancelarijske stolice koje ne odgovaraju zahtjevima tenderske dokumentacije. Također, postupajući po zahtjevu za pojašnjenje ponude ponuđač „Karadža-trade Kašmir“ d.o.o. Bugojno je dostavio fotografije kancelarijske stolice koja se razlikuje od stolice čije su fotografije dostavljene uz ponudu. Iz razloga što je konstatovano da ponuda ne ispunjava zahtjeve iz tenderske dokumentacije komisija je u preporuci za dodjelu ugovora predložila da se ista odbaci shodno odredbi člana 63. stav (4) tačka i) Zakona o javnim nabavkama BiH. Slijedom navedenog ponuda ovog ponuđača nije uzeta u dalje razmatranje.

U daljem toku postupka komisija je izvršila provjeru računске ispravnosti dostavljenih ponuda, te tom prilikom nije konstatovala računске greške u ponudama.

Utvrđen je termin održavanja postupka e-aukcije, i to za dan 13.12.2019. godine sa početkom u 10,00 sati, shodno odredbi člana 4. Pravilnika o uslovima i načinu korištenja e-aukcije.

Postupak e-aukcije je održan u terminu koji je komisija odredila odnosno dana 13.12.2019. godine sa početkom u 10,00 sati i trajao je do 10,14 sati. Komisija je na nastavku sjednice izvršila uvid u Izvještaj o toku i završetku e-aukcije za koju je konstatovano da je uspješno provedena.

Komisija je nakon postupka e-aukcije utvrdila slijedeći poredak dostavljenih ponuda:

Naziv/ime ponuđača	Cijena sa otvaranja ponuda, bez PDV-a	Evaluirana cijena-bez PDV-a (nakon e-aukcije)	Rang
„Hafele BH“ d.o.o. Gračanica	11.955,00 KM	11.600,00 KM	I
„Elkom“ d.o.o. Vitez	13.890,00 KM	11.888,00 KM	II
„Inter-com“ d.o.o. Zenica	11.995,00 KM	11.995,00 KM	III

Obzirom na naprijed navedeno komisija je direktoru uprave podnijela preporuku da se ugovor o nabavci roba-kancelarijski namještaj dodijeli ponuđaču „Hafele BH“ d.o.o. Gračanica, čija ponuda je u skladu sa kriterijem „najniža cijena“ ocijenjena najpovoljnijom.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste

**DIREKTOR**  
Anis Ajdinović

Dostaviti:

1. „Hafele BH“ d.o.o. Gračanica, Miričina bb, 75329 Miričina
2. „Karadža-trade Kašmir“ d.o.o. Bugojno, Podgaj bb, 70230 Bugojno
3. „Elkom“ d.o.o. Vitez, Divjak bb, 72250 Vitez
4. „Inter-com“ d.o.o. Zenica, Vrandučka 71b, 72000 Zenica
5. Sektor za materijalno-finansijske poslove
6. Sektor za tehničku podršku i plansko-analitičke poslove
7. Komsija za javne nabavke (a/a).



